

Дин эвазига анжир сотиб олмаймиз



08:00 / 28.04.2020 2234

Абдуллоҳ ибн Фалон айтади: «Иброҳим ибн Адҳам анжир кўтариб кетаётган бир боланинг олдидан ўтиб қолиб, «Бир тангага анжир берасанми?» деди. Бола анжирни бир тангага сотишга кўнмади. Иброҳим ибн Адҳам индамай йўлида давом этди. Бу ҳолатни кузатиб турган бир киши анжир эгасига: «Бу одам сенга нима деди?» деб сўради. Бола: «Бир тангага анжир берасанми деб сўради», деди. Ҳалиги киши: «Орқасидан югур, анжирдан қанча хоҳласа олсин. Пулини мендан оласан», деди. Бола етиб олиб, «Амаки, анжирдан хоҳлаганингизча олар экансиз!» деди. Иброҳим болага юзланиб, «Дин эвазига анжир сотиб олмаймиз», деди».

«Солиҳлар гулшани» китобидан